



初編
一至三

服部文庫
417
2019
2



117
2019
2



南郭先生文集初編卷之二

平安 服元喬子遷著

江都 望三英君彥輯

南部 滕元啟維迪校

七言古詩

調馬行

夾道花樹繁作霞永埒迥場照繁華借問金溝調馬者疑是大原王氏家良驥森列無凡相駟駱連錢拳毛騮素虬蒼龍雙雙出引來鐵蹄碎玉沙紈綺翩翩

美少年執鞭齊倚金鞍韉，猛氣未發蹀逸足，控縱一
馳歛無前，振血飛沫毛鬣怒，動地紅塵氣如煙，羣馬
龍驤角骨力，一躍相傾分，後先銜檠閑習馬，性成雄
志由來向誰鳴，圉人同迎歸槽，櫪神定足收，雙瞳清
安得八極奔騰力，一獻君王御縱橫。

徂來先生宅觀青玉笏行

青熒玉笏匱中藏，萬貨連城價無當，捧匣跪發金繩
封滿堂，真見蒼精龍龍變，倏忽氣如虹，駕我欲翔溟
海中卒然坐，隅毛骨寒魂定，眼窮始嗟歎，曾識此器

玉為貴，况復此玉世出難，崑崙山上十二樓，涼風懸
圃帝之丘，上有不灰樹，相挺下有不灰水，四溟此山
往往出，良璧其他瑤琨如土石，五雲摩空萬一千九
州，塵埃何懸隔，乃知人間不易到，人間豈圖遇真寶，
隋侯夜光猶奪明，何況琳琅與瑪瑙，琢磨一施珽形
成，天圓地方益研精，常悲荆人空抱璞，象大儀雅可
獻，呈君不見天子明堂朝，萬國穆穆盛容倚，北極袞
冕旒，珥黼黻，文此器亦是觀表德，憶昔此器映青雲，
今日何人傳致君，君自君子不求得，秦詭虞貪哂紛

紛溫潤示人顧有意吾儕比之冀可志

明月篇倣初唐體

長安八月秋如水夜色纖塵空萬里河漢已收星欲
稀江天初照月相似琪樹銀臺玉露垂交衢大道金
風起千丈光攀帝闕間三條影滿人家裏帝闕人家
不作眠夜行夕燕月明前相看來飲張公子誰識遊
遊美少年娼家百膳餐為玉戚里千金酒作泉齊計
陳篇歌相見佳人少婦照相憐未擬夜長還秉燭何
須晝短却開筵鴉黃蟬鬢景氤氳月下流杯把向君

好取侯家白玉案請看主第冰綃裙扁舟幾處堪乘
興一石此時誰厭醺別有君王望月臺步輦乘茵永
夜回瓊檻翩翩桂子墜瑤池濯濯菱花開合歡殿裏
爭相侍連理幃中不獨來合歡連理徹通宵神女行
雲不待朝月色中天相掩映容光滿殿共妖嬌須臾
一曲命鸞舞俄爾三更吹鳳簫細腰掌上涼風發鬢
髮笄邊輕霧飄鬢髮細腰悲昔游涼風輕霧不勝愁
秦川機上璇璣色長信宮中玉樹秋秋去秋來空裂
素相望相憶幾登樓團團皎皎孤輪在脉脉盈盈一

南唐書不終 卷之二
水流千里相望天一色一天望月長相憶長江河處
采芙蓉近里誰家悲促織但見長江白楊黃但聞近
里擣衣裳閨中花鳥年年變沙上王孫歲歲長關山
一路徒勞夢尺素九回空斷腸離閣初疑明鏡景卧
牀猶摘畫簾霜霜潔鏡明簾色寒素手紅顏獨夜看
可憐素手環中緩應惜紅顏鏡裏闌一夕悲憂短髮
白百年歡洽遠人難遠人對此淚沾襟中宵熒熒起
微吟希逸豪端霜露隕仲宣樓上歲年深樓上搖情
已翳翳萬戶千門落月低此時月落情難歇落月今

宵望轉迷唯有遠山長河色斜影沈沈落月西

秋夜吟

庭際樹上烏夜啼牀前侵地月色低秋思不眠為誰
長永夜凜凜露為霜休爭愁人鬢邊白今宵早已一
半強

金華歌贈子相

金華子金華子愛子冰肌綠髮無塵埃金華山頭旭
日且滄海並照金銀臺維昔乘鯨極所致十洲下瞰
自東來試向人間吐珠璣大者燦爛小霏霏都邑比

南齊集卷之二
屋千萬戶爭逐如丸得者稀世人未必能相識願君
休彈鳥雀微吾今為君會群仙左招征僑右偃佺麻
姑仙女顏如玉奄忽傳信拂紫煙金華之山何惜崑
龍躋逶迤起眼前為君相看一長嘯仙人下來滄海
天

牛門送大潮師西歸

名元皓肥前松浦人

潮公盪曾睨乾坤文章日月啓天閭氣貫金仙函六
百落筆縱橫五千言波浪鯨奔東海搖群物望風魂
欲銷叱雷掣龍遊雲水翹颺扈從百神朝君不見芙

蓉白雪指掌者同盟金石護園社隱然歆國得公知
併力千秋復大雅前于後喁此謫高不妨郢中和者
寡狂態雄視叫仰天酒酣耳熱樂只且樂地何須說
世人世人辟易稱避塵聲價連城但目擊上者明珠
下琳琅百歲自期相追隨一朝退棄公何為公云歸
省白雲舍吾儕交情難別離四坐相送黯自失遠山
之曲長河涓江城六月凜如水恨恨不忍白日移
殷懃此道公好傳再會但期道故年聞說少室多氣色
莫使我勞招隱篇

高陽行

高陽有客稱不羈，十年縱飲鬢如絲。入鄉整首服，短後
後已。中年少不相知，腰間吳鉤曾示人。秋水颯爽蛟
棘鱗，卽無風胡相此物。蛟函潛光却，逡巡轆轤隨步
聲為玉，一割鳴鑿那得真。冷遊門前誇華驄，金屈日
街池水東剪茅，四壁蠨蛸結伏病。轉謝長者轍人貌，
亦應誤榮名。那識單身氣，齧鐵三寸欲摧七十城。側
注：敝冠雄心驚，不遇踞林赤帝子。落魄退守豎儒生。

聞笛

二月梅花洛城東，欲落不落待輕風。君不聞風前笛
裏情，翩翩吹滿洛陽城。吹者不知聽者恨，三弄都作
斷腸聲。

漢宮詞

漢武英風驅一世，升平啟富極。壯麗當時丞相設，離
宮詔賜經營北闕第。第中行殿十二重，萬金為給大
司農。四時恒例移仙仗，滿朝百官從六龍。甲乙帳前
奉娛歡，經筵且開進賢冠。儀具禮畢始賜宴，笙歌響
起青雲端。八珍携從太官膳，內府更進白玉盤。瑤階

遷迤百花春春醴薰薰醉君臣醉來不辭獼猴戲列
侯御史中貴人天顏有喜咫尺地羅綺錦繡傾恩賜
內外臣僚及侯家拜舞盡擎金玉器謹呼萬歲樂未
央忽復耳傳全盛事君不見汾上歌歡樂極兮哀情
多只今秋風茂陵道草木黃落舊山河

福壽精舍竹林歌

福壽堂前古竹林英公幽居白日深諸天碧落上欲
拂轟轟奮箱已萬尋門接長陂大江邊顧此數繫往
來船龜鼉出沒紺影動水寒竹密似渭川渭川颯爽

風雨從低昂爭飲蒼精龍須臾雲物咫尺定彤竿綠
筒舍利重金刹儼然法王冠圓光掩映碧琅玕滴滴
露裊天花墜含風惹香自旃檀鮮潤不讓蓮華淨更
與松栢守歲寒只謂鳴磬下馴鴿翠實離離兼棲鸞
英公坐觀常住色童子無勞報平安千年脫落支迦
馬公亦愛竹稱風雅進禪不是為避人苦心偏狹張
薦令到此各誇賦靈丘篇篇欲兼南山秋况是跌宕
嵇阮興可喜山陽託同遊同遊豈謂少滕生鳴籟猶
聞瑤笛聲雲際鬋鬋乘鶴地升仙自此朝玉京忽然

一堂憶之子，令人向隅復傷情。寺有滕生墓

劍客行贈人

劍客六刀鳴，腰間櫛具鏗鏘。明月環伊昔，試人血纒死。一揮白虹射天還，忽爾相逢臨菑途。偉然美髯，一丈夫云是嘗作孟嘗客。玉食何問魚有無，意氣蕭然日月暮。長鋏歸來，獨身孤放。歌醉舞君莫笑，好來日傾壚上。壺勸杯，且說各愛惜。世上未論借此軀。

東海有大魚行

有魚有魚來自西東，遊渤海極天倪。突如碣石浸波

浪乘濤吹滂，白日翳背上。鬢鬣大千里，虎眼龍鱗歷鯤鯢海中。神嶽蓬壺瀛六，鼇舉首一時驚。水物潛匿無魂氣，自謂天地足縱橫。安知無處容此魚，且恐巨甲困小瀦。百川猶比一勺水，飲此踏踏內如虛。千載無復任公釣，不如杳溟還余初。

酒人行贈越君瑞

越公風流金屈卮，香醪千石無盡時。邸第近隔宮中水，溝渠應擬習家池。借問堂上誰青眼，二三狂態高陽兒。醉來詞賦筆如流，一言天地應千秋。高談矜誇

相罵笑不怪裸形且科頭八達七賢君自見百年世
上一悠悠卽教酣宴關斯道我輩但須老糟丘

日本橋上歌

雄都大道通萬里天下山海自此始日本之東日本
橋南去北來陽春水君不見今日海不揚波難遇千
載清黃河會朝玉帛謹侯度干旄子子此經過前驅
唱排後車叱轂擊肩摩錯鳴珂有摩多是鄉曲豪腰
間武備帶兩刀燕市酒人眼虎視趙臺劍客鬚蝟毛
列肆美女侈姬姜繁華子弟遊冶郎相看姣麗接踵

至春風路上鬱金香此皆娛樂不知愁千金妬殺萬
戶侯東走江湖西魏闕家家百尺連高樓卽今富貴
應如拾最愧拙者更敝裘囊錢日費長安米自怪為
誰仍淹留

烏子歎

城上烏生八九子東西未習且棲止棲止古樹霹靂
高一朝剝落亂羽毛老烏徘徊率數子且向人家屋
上逃城傍年少鳴角弓欲射誰知烏雌雄奮飛將避
兒無力饑啼爭向食又空北來老人回白頭倚杖一

南華集卷之二
看泣涕流為我謂烏爾記取何由得歸南山陬

釣客行

江巖聊容坐係舟葛藟間手援赤岸輪菌之怪木且
極青天突岫之高山傍有釣客蒼顏古問之無言自
日開舟中携壺味頗厚釣翁勸爾一杯酒此翁不辭
就我歡醉來欲語呻吟久心中萬事為君開今日何
須更閉口岫陽翁鬱佳樹地藍田為出瑚璉器少壯
謾期才足成中間陸沈諸侯吏諸侯弓劍重武人三
冬文史坐相棄時非頻進逐客策事變蹉跌違宿志

芙蓉秋滿江上華移居且擬徐孺家無奈負郭無寸
畝法在青門不種瓜家人數厭釜中魚蚯蚓生突絕
菜茹債家子錢督責頻計窮三間鬻茅宇已見今年
隨轉蓬未知明年住何處由來磊落大丈夫妻孥憂
愁一何愚對此陶然唯濁酒日日釣竿遊太湖太湖
澆灑鯉魚肥來者可追往者非三千六百十年釣釣
釣天真知者稀狂語醉言君不信請看湖上白雲飛
清明宴越氏西莊

臆酒新解碧琅玕清明今日無陰寒主人園林富花

鳥賓客狼藉飽杯盤直裁雲霞作帷帳落花芳草盡
為餐且喜花草轉相親從佗漫照白髮人醉倒睥睨
天地際古往今來唯有春有春有花能幾日萬點明
朝適眼塵

集高秀才匏瓜亭

匏瓜小莊墨水曲庭樹一半紅作綠唯看大江日夜
流岸草堤柳惜春色主人門臨江水東金龍影落天
僊宮諸君同到山陽飲吾亦龍鍾過阿戎阿戎弱冠
頗好奇詩酒彩毫且玉卮滿坐文章錦如吐縱橫絕

妙且好辭蒼顏野老稱養拙提壺挈榼無所知醉來
藉坐階前草鶴髮只任晚風吹

送滕維迪游西京

從朝京使行

東道使節將朝天紫馬驄馬行色連南昌才子東武
客假稱書記向日邊日邊宮闕平安城朝儀北極拱
公卿羨君縱觀周文物更聽鈞天金石聲五陵年少
誇帝鄉華戩彩毫結客場若君之才堪自試一戰餘
勇誰能當丈夫不厭泥世紛自今到處見出群三千
門下推毛遂早已驚殺平原君

南郭先生文集初編卷之二終

南郭先生文集初編卷之三

平安 服元喬子遷著

江都 望三英君彥輯

南部 滕元啟維迪校

五言律

夜讌

夜讌高臺上笙歌霄漢開鳳鳴天際落僊舞月中來
畫棟寒銀燭瓊漿瓏玉杯起看湛露白祇恐曉光催

上石氏望海樓

此樓殊蔚然江海浸簷前地浴東嶠出天浮南極懸
鯨身波浪際蜃氣夕陽邊坐覺三山近主人何處僊

送人客游興州

遠游應盡地萬里向東濱魚海隣毛狄僊臺接羽人
淳風荒服古治化大邦新今有四夷守不憂送獨身

塞下曲

君王方大畧將帥事佳兵五道山河動千軍甲冑鳴
單于堪北走驃騎本橫行部下猶思戰更登烽火城

郊行二首

稍似野人趣放歌步出門多岐朝大路長水割平原
天末浮雲靜春陰古木繁機心何世態擾擾不堪論
山平地勢拆野色大江西杖似葛陂去酒從郟縣携
偶因微宦拙未識雍門啼行樂便吾土王孫勿復羨

遊蓮光寺同賦得論字

歸路應昏黑上方已到門客過驚木葉雨灑重苔痕
吾道神交似爾曹目擊存偶尋支遁興更聽謝公論

從軍行

新從登壇將出師萬馬秋旌旗非耀武刀筆寧封侯

星隕天搖塞烽連夜掛樓安邊王室志本為我民憂

自遣二首

匪敢其刀筆為無一頃田彫蟲供玩世失馬任知天
白日看雲意素絲到鬢年九州如此大欲擬反騷篇
那知男子壯生事竟如絲磬折非孤志勢交異璞悲
邊由圍大澤郊樹走長陂自棄祗應醉荷鋤是我師

春日偶作十首

大道似長安公孫倚玉鞍眼過皆得意性僻豈交歡
楊柳城南色風雲郭北寒朝陽催濯髮早起聊彈冠

地僻幽期足春天得雨清嬾因多病托感與一毛生
未遂巖阿性偶憐吏隱名看過花鳥逼上我倦遊情
登樓江海滿落日散春陰多病中原色一官萬里心
關山當鳥道花木動人襟應有一枝息微會懷遠林
吏情閑且盡客舍類幽棲停屣窺鶯語隔籬送馬蹄
讀書修竹裏卧病白雲西即使同流俗吾生亦自睽
郊居堪寄傲且愛野村隣官跡知何態詩篇會有真
階苔經雨古社樹著花春醉後發狂起微風吹角巾
雲夢昔年遊雄風萬事休鬱林晴且古白水靜還流

南華集初編 卷之二 三
竹色來湘怨，天邊惹楚愁。陽春誰作對，幽獨重登樓。
登臨縱目處，樓色坐氤氳。日射芙蓉雪，春搖海國雲。
閑應吾養拙，名自爾能文。才子當今滿，飛揚更作群。
苦憶二三子，中原氣壯哉。窮交唯我輩，勢利豈人才。
筑擊憐燕市，劍揮睨趙臺。尋常論意氣，無奈寸心灰。
寄言同病客，能忘索居情。斗酒常相苦，百花勿復明。
鳥黃閒野色，蘋白動汀晴。看弄徒移日，著書愧舊盟。
夙昔凌雲氣，賦成實可悲。濁醪幽事過，華髮壯懷衰。
請謁還吾嬾，行藏好自知。風光長此約，勿誤拂衣期。

舊園

吹臺娛樂地，春到舊山川。黃鳥窺人語，白鷗避客眠。
百遊餘水石，十載見桑田。欲向臨邛去，梁園更自憐。
夏日同諸君子遊蓮光寺和卓上人作

無勞河朔飲，路熟遠公溪。池撐芙蓉淨，天懸堯率棲。
不期沙界裏，相遇化城西。似鬪登廬興，崢嶸雨後霓。
和東壁白山雜詠六首東壁時上居

堂成堪擁膝，薜荔倚秋陰。巖穴乾坤大，風塵睥睨深。
嬾應稱卧病，興或愛行吟。不必論交絕，調高叔夜琴。

豈可勞圖壁，衆山來入琴。心閑停暮景，坐穩散秋霑。
長嘯傳林木，清徽感朔禽。步兵途不遠，時到蘇門深。
卽使隱朝市，何如靜愛山。名難混爾迹，文每落人間。
撫枕驚林動，據梧看鳥還。自傳秋興賦，更識二毛斑。
君自科頭士，那知吏事勤。放歌憐白雪，酣飲睨青雲。
烏几琴書足，草堂鶴群北。山萊可翦堪，顧世紛紛。
剪棘逢秋半，樓高白帝城。朋應關物色，文豈鬪名聲。
目斷中原小，天懸萬戶平。當乘初月夜，一訪且縱橫。
幽棲君所性，秋色且蓬蒿。痼疾耽泉石，機心哂桔槔。

羨嘗五鼎肉，足炙一車螯。吾徒今孔邇，往來屢酌醪。

秋日書懷七首

尚似文園令，敢論武庫才。一樽求酒起，四壁典衣回。
嬾性堪閑地，薄遊謝吹臺。醉來秋興切，作賦讓鄒枚。
高秋宜伏枕，爽氣靜齋偏。薄俗從佗惡，腐儒私自憐。
風回疎草色，天逼近林煙。酤酒三杯足，不煩種秫田。
江湖殊不遠，何意難扁舟。生事因吾拙，宦遊使客愁。
蹉跎知幾歲，搖落復三秋。空著南冠敝，無人問楚囚。
萬里季鷹駕，胡為易若斯。秋風猶滯宦，暮景已愆期。

山出青天盡雲飛白日移鄉愁三十載屈指此逶迤
自曉東方隱不疑我陸沉籬餘黃菊瘦堂類白雲深
酒態稀青眼詩名薄素心文書堪玩世可復用當今
搖落燕臺地空餘玉樹林曳裾混得意鼓瑟託悲吟
自失風雲會遂睽狗馬心壯遊儻不倦遠足記浮沉
病愁已八月何處廣陵濤海動長風至山鳴落木高
文章關物色天地竟吾曹興卽非枚賦感應似楚騷

和子雨中見寄

風雨離群久三秋我輩情密雲含海色急潦激泉聲
詞客愈違世酒徒寧避名何當持蟹興醉爾玉壺清

寄浦子彬

姓三浦名義質字子彬号竹溪

憶昔飲燕市十年壯士心交情空日月官跡奈商參
家隔寒江水人疎古木林喜君同此調聊寄草蟲吟

同友人望江風惡不得渡還至金龍山作

大江望欲斷匹練接翻流岬黑龜鼉窟沙黃鸚鷗洲
狂憐題賦客閑愛忘機鷗日色從佗惡乘風醉上樓

江上雜詩十首

村居隣大嶽登陟此盤旋江吐蛟龍氣山開日月前

商

0
7

南齊書卷之三
卷之三
六
罷官新白帽當酒舊青氈世態天真少孤貧更自憐
秋色大江來游觀倚石苔芰荷爾可愛衣帶我堪裁
萬竹諸王苑一峰古佛臺坐令幽興熱不必事徘徊
嬾性易蹉跎行藏竟奈何瘦因耽句劇渴自草書多
生事風雲散眼中燕雀過還遭秋色惱留滯曲江阿
山勢回成澗放歌且考槃青天懸壑色白屋動江寒
腰下雙龍劍生涯一鷓冠稍知飛遯趣試作歸田看
英俊遷移域邑居對郭門車塵連道路侯第充陵園
天色青雲滿江光玉樹繁有人長擁褐無意揖王孫

返照逐江平汀洲新弄晴白蘋留暮色蒼樹颯秋聲
拂室長懸榻臨流獨濯纓貪看忘病嬾坐至月明生
江湖便有趣簪紱竟無心客至秋風起酒酣日色深
淵魚馴隱見野鴨戲浮沉笑傲耽書籍物情觀古今
所求容膝地移住曲江廬臯鶴鳴相和泥龜意自如
野花迎稚子欄石護芙蓉風物仍宜醉生涯遣更疎
遊倦中原色病深杜曲尋詩書終古事短褐遂初心
木葉綠江下夕陽掠壑沉天涯遲暮淚動乃濕人襟
僑居聊卜幽擁膝古江頭勝地如圖畫名山愜卧遊

南齊書卷之三
卷之三
五言律
二

酒樓行處有草閣醉來休雖美非吾土心關隴畝秋
雨中東壁德夫見過

風雨蓬蒿卧誰憐江上寒偶因二仲至遂罄百年歡
爾汝同狂態乾坤總醉看窮交如此足不是為彈冠

九月六日倚蘭臺集

登高期已近九月宴城隅詩自唐諸體人皆漢大夫
和歌慙郢曲濫吹愧齊竽猶著秋風帽傲然混酒徒

哭滕東壁十首

消渴同司馬窮愁殞少陵未能期四十終是柰飛騰

珠藥還丹鼎柄犀照暗燈唯留封禪草相顧屬親朋
山阿已送君長夜就孤墳芳草悲先萎香蘭悟自焚
拊心行哭野濺淚坐看雲逝矣滕東壁歿生從此分
四月春芳盡但聞鷓鴣鳴喪止新屈指禽鳥故關情
斯道乏來者終天存往盟曾攀雙桂樹誰與賦叢生
仙骨即難留浮生忽倦遊人間還大筆天上賦高樓
化鶴空千載乘鯨遍十洲帝鄉迷物色故使白雲愁
生平稱大業國器託文章遺草令人泣名山待爾藏
壯心中道折悲恨百年長猶印傳金石欲爭日月光

南唐書卷之三
焦心將玉汝天意竟蹉跎恨至悲窮甚淚將結契多
生涯玄草在事業白駒過縱有桓譚識抱書奈爾何
百年難已分異物即哀來傾篋檢遺札停毫驚妙才
人非花落盡天曠鳥飛回憶昔阮書記翩翩醉玉杯
黃公壇上飲君逝為誰眠廢酒從瓶罄顧堂使榻懸
夜愁風雨氣天黑斗牛前還憶干將沒無由人世傳
人跡疑蒿徑雨痕泣竹林感生隣地笛調絕廣陵琴
舊苑東西寂遊魂影響深商山時一到似聽採芝吟

生故居
商山

五噫纔唱後偃蹇謝人間軀傍要離冢碑餘元凱山
悲風隣鬼哭荒隴牧童攀匠石蕭條甚廢介從此還

暮秋集子和

下簾稱太隱四壁客來深何處憐秋晚此中對日沉
相逢忘袂隘搖落即園林謾使西家怪休論醉後心

郊行

獨來時極目搖落動行吟斷草辭郊色空山增壑陰
世人慙醉態野老少機心不覺秋芳盡歲手早已深

歲暮贈子和二首

人擬高陽侶，蕭條側注冠。鶉衣風欲裂，薤劍色偏寒。
慷慨論心法，誓盟指日看。如雙混禮俗，微我白誰歡。
憐君標散甚，交道棄如絲。調劇令人怒，文章只自悲。
風霜多嬾態，日月少醒時。歲晚為何事，應裁憶我詩。

歲杪與諸子集神門

神門公子異，天際客星同。敬愛開園後，笑談動座中。
梅將春色泄，松為歲寒雄。筆硯叨狼藉，不關詞賦工。

暮春送桃源上人北歸

朔方寒始盡，行色愛殘春。衣鉢輕雲水，津梁事苦辛。

捨身元奉佛，出世不忘親。期逐秋來雁，早辭北海濱。

野望

獨往離城市，郊垌忽復幽。天開山走塞，河盡澤吞流。
塲稼幽風日，村歌堯野秋。只今雲夢獵，不事大王遊。

送圓諦師歸省東奧時太翁有微恙

仙臺蒼海上，親舍白雲傍。祇指趨庭日，可忘陟岵章。
嘉年何足計，稱壽本無量。既奉醫王道，不求大藥方。

不寢

憂多妨著睡，不寢憂相仍。耳熱頻歌枕，目明熟視燈。

一宵空反側百歲奈飛騰心事極寒曉淚痕積作冰
雲夢懷仙閣集同用深字戲作

丹竈君家事懷仙聊且尋卷簾青鳥下把酒紫霞深
舞愧愁中鬢狂從醉後心雙成無座上恨之瑤池音
和答素有上人赴西京見寄

西方遊樂國說法坐崢嶸地化瞿曇道天圍帝釋城
市朝迎錫影絃管贊經聲還憶病居士幾時築室成
同遊聞成寺得苔字

城東本願寺別院探春來香樹啼黃鳥雨花馥綠苔

天真耽酒態妙偈作詩才恐是驚聾者已登說法臺

夏日同遊神足寺得聞字

牆外旃檀樹市隣忽絕羣鳴禽林下變嬾草石前分
蒲塞元耽酒苾芻或好文清涼貪日永休使晚鐘聞
壽草庵望君六十初度

僊家瓊葉色壽席異盤餐筵盡杯中物臺清海上寒
杏林紫玉樹藥鼎熟金丹不老憑君手千秋同聲歡
五言排律

東叡山

表山隨禹奠相宅廣周功坤德成風物良方司始終
鬼門關郭北獻嶽現江東獅吼文殊坐變鳴帝子宮
宸題高閣異講法內庭同陵道神遊肅廟號祖烈雄
劍藏三尺氣土重一杯中萬籟生丹壁五雲近碧空
鈞陳驅魍魎禁禦備羆熊殿象甘泉險池兼太液通
松蒼朝避雨梁縵晚揚虹安世頌歌大祈年日月融
瑞祥昌後嗣祭祀會群公壯麗臨天下未央未必工
佛滅日上三緣山三門
黃金開上苑白馬創東京待闢三門鎖登鷲首仗成

太虛通帝坐眇麗壓乾城王氣深凌勢宮陰徹梵聲
練明迎海霽綺錯繞都平煙煖邑花早日遲林鳥輕
仲春傳佛滅萬古會群生日力恒沙盡俯觀品類情
應人請賦得竹不改色為岡田公壽

苞翠南山色壽堂映綠樽琅玕來鳳侶蟠結護龍孫
不受風霜重偏留雨露翻凝光迎日御聳籐上天闈
松讓蒼顏薜庭交玉樹繁江東王氏貴長對子猷園
徂徠先生奉 教授書書頒行特 賜時服
賦此奉贈

星象耀東壁，天文拱北辰。出圖河上瑞，重譯海方珍。
漢主求賢急，梁竇授簡新。典章推博物，玉帛寵遺臣。
學照蘭臺日，恩開金馬春。校書投覽御，上策恊咨詢。
名遠元無近，德聞必有隣。即今經國業，敷施太平人。

同賦竹約歲寒為館林侯壽應人請

侯郎牆東竹，抽籜近日邊。共稱魯頌壽，并誦衛風篇。
有斐思君子，無疆卜歲年。氣嚴竿始勁，霜降節偏全。
奉璧青當坐，傾罇綠照筵。管通鳴鳳谷，酒挹飲龍川。
或命睢陽賦，應延林下賢。更傳如帶誓，看爾萬期堅。

六言律

西臺侯別筵，分賦十二體。得六言律韻文字，
侯帥戍西京。

離筵歌舞陪，酒征路江山。分衛帝王故，邑按衆
龍武新軍千人西戍，車騎五馬東方使君行處還將
赤帝到時更映青雲。

南郭先生文集初編卷之三終

